



Na osnovu člana 45. stav (1) Zakona o izvršavanju Budžeta Unsko-sanskog kantona za 2023. godinu („Službeni glasnik Unsko-sanskog kantona“, broj: 6/23 i 11/23), Odluke o kriterijima, uslovima i postupku dodjele sredstava sa pozicije Subvencije javnim preduzećima – podrška medijima za 2023. godinu, odobrenih u Budžetu Unsko-sanskog kantona za 2023. godinu, putem Ministarstva privrede, broj: 03-02-2190-1161/2023 od 23.11.2023. godine, Ministarstvo privrede objavljuje:

JAVNI POZIV

za odabir korisnika sredstava po Odluci o kriterijima, uslovima i postupku dodjele sredstava sa pozicije Subvencije javnim preduzećima – podrška medijima za 2023. godinu

I PREDMET JAVNOG POZIVA

Predmet Javnog poziva je prikupljanje prijava za odabir korisnika sredstava koja se dodjeljuju iz Budžeta Unsko-sanskog kantona za 2023. godinu putem Ministarstva privrede, sa pozicije Subvencije javnim preduzećima – podrška medijima.

Cilj dodjele finansijskih sredstava je unapređenje i povećanje gledanosti i čitanosti lokalnih medija, kroz sve oblike i vrste medijskog izražavanja sa krajnjom svrhom:

- realizacije projektnih aktivnosti koji za cilj imaju afirmaciju poduzetništva, obrta i turizma;
- promocije razvojnih potencijala poduzetništva, obrta i turizma;
- očuvanja tradicije kroz podršku razvoja tradicionalnih i starih proizvoda i ruralnog poduzetništva;
- povećanja informisanja građana o aktivnostima, projektima i programima koje provodi Ministarstvo privrede Unsko-sanskog kantona, zajedno sa privrednicima i obrtnicima.

II PRAVO UČEŠĆA

Pravo učešća imaju mediji: štampa, radio, televizija, programi novinskih agencija i druga javna glasila definisani stavom (2), člana 4. *Zakona o javnom informiranju* („Službeni glasnik Unsko-sanskog kantona“, broj: 8/98) koji su registrirani kao Javna preduzeća.

Radio i televizije kojima su na osnovu stava (1), član 9. *Zakona o javnom radio-televizijskom sistemu Bosne i Hercegovine* („Službeni glasnik BiH“, br.78/2005, 35/2009, 32/2010, 51/2015 i 25/2016) dodijeljene frekvencije koje je utvrdila Regulatorna agencija javnim RTV servisima za televizijske i radio-stanice na području Bosne i Hercegovine.

Pod štampanim medijima podrazumijevaju se novine i druga periodična izdanja koja izlaze dnevno, sedmično, mjesečno ili u razmacima od najviše šest mjeseci, a koji organiziranom i kontinuiranom djelatnošću prikupljaju, obrađuju objavljuju informacije u skladu s principima novinarstva i publicistike o različitim sferama života i na različitim nivoima.

III USLOVI ZA DODJELU SREDSTAVA

Pravo na dodjelu sredstava imaju domaće medijske organizacije ili medijske kompanije koje su registrovane u skladu sa pozitivnim zakonskim propisima BiH definisane u tački II Javnog poziva a koje ispunjavaju sljedeće uslove:

- da nemaju neizmirenih obaveza po osnovu direktnih i indirektnih poreza,
- da do dana objave Javnog poziva nisu koristili sredstva za predloženu namjenu (projekat) iz drugog izvora.

IV SREDSTAVA ZA IMPLEMENTACIJU

Sredstva za implementaciju ove Odluke obezbjeđena su u Budžetu Ministarstva na ekonomskom kodu 614400 – „Subvencije javnim preduzećima – podrška medijima“ subanalitika FA0005 u iznosu od 50.000,00 KM (slovima: pedesethiljadakonvertibilnihmaraka).

Maksimalan iznos sredstava koji se može dodijeliti medijima iznosi 7.000,00 KM.

V NAMJENA UTROŠKA SREDSTAVA I ROK ZA IMPLEMENTACIJU

Sredstva iz tačke IV Javnog poziva su namjenska sredstva koja se koriste za finansiranje/sufinansiranje materijalno-tehničkih sredstava i opreme, kako u programsko-sadržajnom tako i u tehnološkom smislu i ostalih troškova u cilju realizacije projektnih aktivnosti u skladu sa definisanim ciljem dodjele sredstava u članu 2. ove Odluke.

Neprihvatljivi troškovi za koje se ne mogu koristiti sredstva su: troškovi tekućih komunalnih usluga (troškovi odvoza smeća, troškovi vode i plina), troškovi električne energije, telefona, knjigovodstvenih usluga i slično, lični dohodak (plate, porezi i doprinosi, naknade za službena putovanja – dnevnice, i ostale naknade radnika korisnika sredstava).

Svako korištenje odobrenih sredstava suprotno utvrđenim namjenama smatrat će se nenamjenskim utroškom.

Rok za implementaciju projekta po potpisanom Ugovoru za korisnike sredstava je maksimalno šest mjeseci od dana potpisivanja Ugovora.

VI KRITERIJI ZA IZBOR KORISNIKA

a) Opći kriteriji:

- da je jedan od medija sa utvrđenim pravom učešća u tački II Javnog poziva;
- da su jedan od medija utvrđenih u članu 4. stav (1) Odluke, koji imaju sjedište i obavljaju djelatnost na području Unsko-sanskog kantona.

b) Posebni kriteriji:

- promovisanje subjekata male privrede kao nosioca razvoja Unsko-sanskog kantona;
- promovisanje poduzetničkog duha i afirmacije bavljenja obrtničkim djelatnostima;
- poticanje promocije domaćih proizvoda;
- promovisanje turističke ponude Unsko – sanskog kantona;
- promovisanje kulturne baštine Unsko-sanskog kantona u cilju razvoja kulturnog turizma;
- promovisanje turističkih proizvoda i manifestacija;
- ekonomsko osnaživanje specifičnih ciljnih grupa (osobe sa invaliditetom, žensko i socijalno poduzetništvo, poduzetničke inicijative mladih);
- očuvanje tradicije kroz podršku razvoja tradicionalnih i starih proizvoda u cilju razvoja ruralnog poduzetništva i turizma;
- promovisanje održivog razvoja i očuvanja okoline;
- vlastito učešće u projektu.

Maksimalan broj bodova koji može biti dodijeljen na osnovu Posebnih kriterija je 10 bodova.

Prijave koje ispunjavaju formalno-pravne uslove, odnosno koje su blagovremene te sadrže kompletnu dokumentaciju, te ispunjavaju opće kriterije će biti bodovane u skladu sa utvrđenim posebnim kriterijima na način da se dodjeljuje po jedan bod za svaki utvrđeni posebni kriterij kojem dostavljeni projekat doprinosi.

Samo projekti koji su dobili 30% i više od maksimalnog broja bodova, će biti razmatrani za finansiranje/sufinansiranje, jer projektni prijedlozi ispod ovog praga nisu prihvatljivi obzirom da u dovoljnoj mjeri ne doprinose ostvarenju ciljeva Programa.

VII PRIJAVA PO JAVNOM POZIVU

Podnosilac prijave prilikom prijave na Javni poziv obavezno dostavlja sljedeću dokumentaciju:

a) Popunjen potpisan i ovjeren prijavni obrazac (preuzet sa web stranice Ministarstva) koji predstavlja sastavni dio Odluke – Aneks I;

- b) Aktuelni izvod iz sudskog registra (original ili ovjerena kopija) ne stariji od 3 mjeseca od dana objave Javnog poziva;
- c) Ovjerena kopija Uvjerenja o poreznoj registraciji (ID broj) (ovjera ne starija od 3 mjeseca od dana objave Javnog poziva);
- d) Uvjerenje o izmirenim obavezama po osnovu javnih prihoda (ne starije od tri mjeseca) ili sporazum o reprogramiranom, odnosno odgođenom plaćanju obaveza aplikanta po osnovu javnih prihoda, uz potvrdu poreskog organa da aplikant u predviđenoj dinamici izmiruje svoje reprogramirane obaveze (datum izdavanja potvrde ne smije biti stariji od 3 mjeseca od dana objave Javnog poziva);
- e) Ukoliko aplikant nije obveznik plaćanja javnih prihoda dostaviti uvjerenje nadležnog organa (Porezna uprava);
- f) Uvjerenje o registraciji /upisu u Jedinstveni registar obaveznika indirektnih poreza (ne starije od tri mjeseca) ili dokaz (ne stariji od tri mjeseca) da aplikant nije obveznik plaćanja indirektnih poreza, odnosno da nije upisan u Jedinstveni registar obaveznika indirektnih poreza (izdaje Uprava za indirektno oporezivanje) - original ili ovjerena kopija (datum ovjere ne smije biti stariji od 3 mjeseca od dana objave Javnog poziva);
- g) Uvjerenje Uprave za indirektno oporezivanje da aplikant nema dospjelih, a neizmirenih obaveza po osnovu indirektnih poreza ili sporazum o reprogramiranom, odnosno odgođenom plaćanju obaveza aplikanta po osnovu indirektnih poreza, uz potvrdu poreskog organa da aplikant u predviđenoj dinamici izmiruje svoje reprogramirane obaveze (ovjerena od strane nadležnog organa, datum izdavanja uvjerenja ne smije biti stariji od 3 mjeseca od dana objave Javnog poziva)- dostavlja se ukoliko je aplikant obveznik plaćanja indirektnih poreza;
- h) Kopija dokumenta iz kojeg je vidljiv broj transakcijskog računa na koji će se sredstva doznačiti (ugovor ili karton deponovanih potpisa ili potvrda);
- i) Dozvola za radio/televizijsko emitovanje koje se vrši putem zemaljske radiodifuzije ili drugi dokaz o posjedovanju dozvole za rad radija ili televizije. (dostavljaju samo mediji koji se bave djelatnošću proizvodnje i emitiranja radijskog i/ili televizijskog programa);
- j) Izjava podnosioca prijave da do dana objave Javnog poziva nisu ostvarili poticaj od Vlade Kantona, Ministarstva ili drugog izvora, za realizaciju predloženog projekta, potpisana i ovjerena od strane podnosioca prijave (preuzima se sa web stranice Vlade Kantona www.vladausk.ba) koja predstavlja sastavni dio Odluke – Aneks II;
- k) Ako postoji partner na projektu dostaviti dokaz o visini sredstava sa kojima će isti sufinancirati projekat (sporazum o saradnji ili ugovor ili izjavu). Izjava se dostavlja u originalu (potpisana i ovjerena od strane podnosioca prijave) i datum izjave ne smije biti stariji od 3 mjeseca od dana objave Javnog poziva. Sporazum ili Ugovor se dostavlja u originalu ili ovjerenom kopiji i datum ovjere ugovora ili sporazuma ne smije biti stariji od 3 mjeseca od dana objave Javnog poziva.

Dokumentacija navedena pod alinejom a) i j) dostavlja se u propisanoj formi i ista se preuzima sa web stranice Vlade Kantona www.vladausk.ba.

VII NAČIN DOSTAVLJANJA PRIJAVA

Prijave sa potrebnom dokumentacijom dostavljaju se neposredno na protokol Vlade Kantona ili putem pošte, na adresu:

**Ministarstvo privrede Unsko-sanskog kantona,
Ul. Alije Đerzeleza br. 2,
77 000 Bihać,
s naznakom na koverti – *Prijava po Javnom pozivu „Podrška medijima“*
„NE OTVARAJ“
*Na poleđini koverta obavezno navesti naziv podnosioca prijave i adresu.***

Rok za podnošenje prijave je 15 (petnaest) dana od dana objave Javnog poziva.

Neblagovremene prijave koje su dostavljene nakon isteka roka određenog Javnim pozivom neće se uzeti u razmatranje.

Prijave će biti odbačene kao nepotpune i neće biti predmet daljeg razmatranja ako ne sadrže kompletnu dokumentaciju koja se traži Javnim pozivom.

IX OBRADA PRIJAVA I IZBOR KORISNIKA

Za obradu prijava po Javnom pozivu „Podrška medijima“ Ministrica Ministarstva privrede (u daljem tekstu: Ministrica) Rješenjem imenuje Komisiju.

Komisija ima zadatak da u skladu sa propisanim kriterijama i procedurama utvrđenim ovom Odlukom i Javnim pozivom izvrši evaluaciju i bodovanje prispjelih prijava, sačini Preliminarnu rang listu korisnika sredstava i listu podnosilaca prijava čije su prijave neblagovremene, nepotpune i neosnovane, te iste dostavi ministrici.

Po odobrenju Ministrice, liste se objavljuju na web stranici Vlade Kantona: www.vladausk.ba, a podnosioci prijava se neće pojedinačno obavještavati.

Na objavljene liste svi podnosioci prijava imaju pravo prigovora koji se podnosi Ministarstvu u pisanoj formi, u roku od 5 dana od dana objavljivanja listi na web stranici Vlade Kantona.

Nakon isteka roka za prigovor i nakon rješavanja po uložnim prigovorima u roku od najviše 15 dana od dana isteka roka za podnošenje prigovora, Ministrica donosi Konačnu rang listu korisnika sredstava koja se objavljuje na web stranici Vlade Kantona u skladu sa kojom će se izvršiti raspodjela sredstava.

Ministarstvo sa odabranim korisnicima zaključuje Ugovore o dodjeli sredstva, nakon čega će se sredstva doznačiti na transakcijske račune korisnika, na način definisan Ugovorom.

X IZVJEŠTAJ O UTROŠKU SREDSTAVA

Korisnici sredstava su dužni pravdati utrošak ukupnih sredstava (ukupna vrijednost projekta) predviđenih za realizaciju projekta, kako dodijeljenih budžetskih tako i vlastitih i drugih sredstava. Za sva neopravdana sredstva, Ministarstvo će pokrenuti proceduru povrata i to u iznosu koji je proporcionalan učešću sredstava Ministarstva u ukupnoj vrijednosti projekta.

Rok za dostavu izvještaja na propisanom obrascu „Izvjestaj o utrošku finansijskih sredstava“ je **najkasnije 15 dana od dana isteka roka za implementaciju projekta.**

Odlukom o kriterijima, uslovima i postupku dodjele sredstava sa pozicije Subvencije javnim preduzećima – podrška medijima za 2023. godinu, odobrenih u Budžetu Unsko-sanskog kantona za 2023. godinu, putem Ministarstva privrede, detaljno je definisana dokumentacija kojom se pravda namjenski utrošak sredstava, a ista će se regulisati i Ugovorom o dodjeli sredstava.

Ministarstvo zadržava pravo traženja i dodatne dokumentacije i pojašnjenja kod provjere namjenskog utroška sredstava (pismenim i usmenim putem).

Ukoliko Korisnik sredstava ne dostavi Izvjestaj o utrošku sredstava ili nenamjenski utroši sredstva, Ministarstvo pokreće zakonom propisan postupak za povrat finansijskih sredstava.

XI OSTALO

Ministarstvo će izvršiti raspodjelu sredstava u skladu sa Konačnom rang listom korisnika sredstava.

Sve dodatne informacije vezane za Javi poziv mogu se dobiti putem telefona: 037/316-032 ili 037/316-037 te putem e-maila: privreda@vladausk.ba.



MINISTRICA
Samra Mehić, scr.